


NEWSLETTER

maj 2022.



FONDACIJA
HASTOR




NOVOSTI

Održan mjesecni sastanak studenata stipendista Fondacije Hastor

Volontiranje – garancija uspjeha

U subotu, 21. maja 2022. godine, održan je online mjesecni sastanak studenata stipendista Fondacije Hastor. Sastanku je prisustvovao veliki broj studenata stipendista iz različitih dijelova Bosne i Hercegovine, a sve ih povezuje jedno – privrženost Fondaciji Hastor. Sastanak je bio posvećen volontiranju, načinu održavanja naših volonterskih sastanaka kao i važnosti odnosa naših mentor-a-studenata s mlađim stipendistima, a vodili su ga studenti koji se ističu u održavanju sastanaka s mlađim stipendistima te je ovo bila izvrsna prilika da podijele svoje ideje i iskustva s ostalim studentima stipendistima.




Na samom početku sastanka obratio se direktor Fondacije Hastor Seid Fijuljanin koji je sve prisutne uveo u tematiku sastanka govorom o važnosti obrazovanja i volonterskog rada.

Nakon obraćanja direktora riječ je preuzela Almedina Fadžan, studentica radioloških tehnologija na Fakultetu zdravstvenih studija u Sarajevu. Ona smatra da je temeljita priprema ključna za uspješan sastanak te kaže da mentori trebaju birati teme o kojima imaju dobro znanje kako bi ga mogli podijeliti s mlađim stipendistima. Pored toga, mentor treba biti osoba koja će pružiti i emotivnu podršku mlađim stipendistima te im pokazati da uvijek imaju nekoga za razgovor.

Važnost zdrave komunikacije sa stipendistima naglasila je i Luciana Martinović iz Širokog Brijega. Fokus Lucianinog govora bio je na ideji da se i mlađim stipendistima pruži mogućnost izbora tematike koja će se obradivati na sastancima. Ona sastanke sa svojom grupom završava izlaganjima učenika, čime ih podučava javnom nastupu, a to će im zasigurno biti potrebno kroz sve etape života.

Još jedna aktivna volonterka i stipendistica Fondacije Hastor je Lejla Dučević-Mujkić, studentica Farmaceutskog fakulteta u Tuzli. Lejla je na samom početku svog govora izdvojila to da studenti trebaju imati prijateljski pristup prema ostalim stipendistima te da se tu krije tajna dobre saradnje. Ona voli organizovati više kraćih sastanaka u toku jednog mjeseca jer smatra da na dugim sastancima učenici brzo izgube fokus te da onda dolazi do razgovora koji nije efikasan. Za sastanke priprema mape uma koje učenicima olakšavaju učenje i pamćenje naučenog. Na kraju svog izlaganja Lejla je napomenula studente da čitaju newsletter sa svojim grupama jer odatle mogu crpiti inspiraciju i ideje za vlastita djelovanja u svojim sredinama.

NOVOSTI



Da je razgovor sa srednjoškolcima i osnovnoškolcima Fondacije Hastor najvažnija komponenta volonterskih sastanaka, navela je i studentica psihologije Senada Avdagić. Ona, zajedno s kolegicom Azrom Korjenić, organizuje sastanke sastavljene iz više dijelova koji uključuju prezentacije, kritičke vježbe i kvizove. Senada naglašava da su se kvizovi pokazali kao najzanimljiviji dio sastanaka te savjetuje svim studentima da uzmu njen primjer izrade kvizova znanja. Kao važan segment sastanaka, Senada navodi i pomoći mlađim stipendistima u savladavanju školskog gradiva jer će na taj način i Fondacija doprinijeti njihovom napretku i postizanju zavidnih rezultata te će mlađi stipendisti u svojim mentorima pronaći uzore i oslonce. Posljednje što je navela je savjet da se pored regularnog obradivanja teme učenicima treba pružiti pomoći u savladavanju školskih obaveza, ukoliko se za tim ukaže potreba.

Još jedna stipendistica koja se obratila na sastanku je Semra Nešust, studentica koja trenutno volontira kao član administrativnog tima. Budući da je bila jako uspješna dok je obavljala volonterske obaveze održavajući sastanke s učenicima, podijelila je svoja iskustva s drugim studentima.

Ona smatra da teme trebaju biti prilagođene uzrastu stipendista.

Još jedna važna komponenta koju treba gledati prilikom izbora teme svakako je povratna informacija učenika. Teme na koje oni obraćaju više pažnje služe kao uzor za izbor novih tema. Semra je svoje izlaganje završila emotivnom pričom koja je pomogla studentima da bolje razumiju važnost zbližavanja sa svojom grupom učenika.

Na kraju sastanka govor je održao Irfan Brakić, član monitoring tima, koji je naveo neke od problema s kojima se susreće ovaj tim prilikom praćenja sastanaka. Sve izloženo će doprinijeti tome da obje strane uoče šta trebaju popraviti u svom radu i nesumnjivo će poboljšati sam proces volonterskog rada u Fondaciji Hastor.

Svaki sastanak sa studentima nosi važne poruke koje ostaju u njihovom sjećanju kao vodilja kroz budućnost. Mnogo toga su naučili jedni od drugih te su osigurali da će volontiranje i u narednom periodu zadržati ozbiljan nivo na čijoj gradnji se radilo kroz prethodne godine s ciljem da bude od koristi svim stipendistima Fondacije Hastor, ali i onima koji prate njen rad.

PREDSTAVLJANJE NOVIH STIPENDISTA

S ponosom možemo kazati da je od ove godine Fondacija Hastor bogatija za čak 42 novih studenata stipendista koji će svojom ambicioznošću nesumnjivo u mnogome doprinijeti ostvarenju njenih ciljeva. Ovoga i u rednog mjeseca ćemo s iznimnim zadovoljstvom predstaviti naše nove stipendiste te im pritom još jednom poželjeti dobrodošlicu među članove Fondacije Hastor.



Lamija Džaferović

Lamija Džaferović dolazi iz Sarajeva i studentica je treće godine Internacionalnog Burch Univerziteta na Odsjeku za marketing menadžment. Po prirodi vesela i kreativna, Lamija je uvijek spremna na nove izazove i nema prepreke koju ne može preći.

•• *O Fondaciji Hastor sam dugo slušala veoma lijepе priče kako od prijatelja tako i od kolega s Univerzitetom. Imala sam priliku i mnogo pročitati o radu i ciljevima Fondacije. Pozitivne priče koje sam pročitala navele su me na to da se i ja prijavim. Presretna sam što sam postala stipendistica i član ogromne porodice pa sada i sama imam mogućnost kreirati lijepе priče.*

Venesa Karić

Venesa Karić je studentica druge godine na Internacionalnom Burch Univerzitetu na Odsjeku za digitalne komunikacije i PR. Porijeklom je iz Zenice, a pored formalnog, Venesa je aktivna i u oblasti neformalnog obrazovanja kroz djelovanje u različitim nevladinim organizacijama te kroz učešće u različitim projektima i sličnim aktivnostima. Također, već dugi niz godina aktivno se bavi plesom te učestvuje u različitim mjuziklima i performansima.



•• *Fondaciju Hastor vidim kao jednu veliku porodicu u kojoj se svi članovi međusobno podržavaju i pomažu rast i razvoj jedni drugih. Biti stipendista Fondacije Hastor za mene predstavlja priliku da radim na svom unapređenju i proširenju svojih ambicija te da pomognem drugima i budem im podrška da postignu svoje ciljeve i ostvare svoje snove.*

PREDSTAVLJANJE NOVIH STIPENDISTA



Fadil Merdić

Fadil Merdić rođen je u Tešnju u velikoj porodici, ali već dugi niz godina živi u Bihaću. Student je treće godine na Fakultetu za kriminalistiku, kriminologiju i sigurnosne studije, Odsjek za upravljanje u kriznim situacijama.

•• *Jako sam sretan što sam postao stipendista jedne ovakve fondacije jer mnogo toga mogu da dobijem zauzvrat. Novčana pomoć je super, ali ne i najvažnija. Zahvaljujući Fondaciji imam priliku da steknem nove kolege, nova poznanstva, nova radna iskustva, ali i bolji i ljepši pogled na svijet. Smatram da je Fondacija Hastor mnogo više od same fondacije, bolje joj stoji naziv Porodica Hastor.*

Dženan Sejdinović

Dženan Sejdinović živi u Banovićima i student je treće godine Odsjeka za socijalni rad na Filozofskom fakultetu u Tuzli. Istiće kako su ga oduvijek zanimala društvene nauke i poboljšanje kvaliteta života u zajednici, odnosno stvaranje općenito boljeg društva pa je iz tog razloga odlučio studirati socijalni rad. Bavi se volontiranjem i društvenim aktivizmom, a posebno iskustvo ima u radu s djecom i mladima.



•• *S obzirom na to da Fondacija Hastor podržava uspješne studente koji se pored studiranja bave i volonterskim radom i društvenim aktivizmom, siguran sam da je to pravo mjesto za mene. Radi se zaista o jedinstvenoj organizaciji koja mladim ljudima u Bosni i Hercegovini omogućava da razvijaju i unapređuju svoja znanja i vještine te ih na taj način podstiče da postanu nosioci promjena u svojim lokalnim zajednicama. Vjerujem da ću kao stipendista Fondacije Hastor kroz prilike koje ona nudi unaprijediti sebe kao osobu, ali i da ću svojim radom i zalaganjem doprinijeti i Fondaciji, odnosno njenom razvoju. Osjećam veliku čast i izuzetno sam zahvalan što sam dobio priliku biti stipendista Fondacije Hastor.*

PREDSTAVLJANJE NOVIH STIPENDISTA



Gabriel Jelić

Gabriel Jelić je stipendista koji dolazi iz Rame, a student je treće godine Odsjeka za njemački jezik i književnost na Fakultetu humanističkih nauka Univerziteta „Džemal Bijedić“ u Mostaru. U slobodno vrijeme bavi se sportom i čita, a u posljednjem periodu mnogo se bavi i prevodenjem.

•• Smatram da sam veoma počašćen time što sam postao stipendista Fondacije Hastor te mi to služi kao velika motivacija za nastavak školovanja i za postizanje još boljih rezultata. Smatram da kao dio Fondacije mogu postati još bolji čovjek kroz volontiranje s mladima te vjerujem da će mi to iskustvo pomoći da shvatim kako ustvari funkcioniра život nakon završenog studija.

Hamza Turulja

Hamza Turulja je student druge godine Fakulteta za sport i tjelesni odgoj u Sarajevu. Dolazi iz Sarajeva i reprezentativac je Bosne i Hercegovine u karateu u svim uzrasnim kategorijama. Sedmerostruki je i aktuelni državni prvak te osvajač mnogobrojnih regionalnih i internacionalnih takmičenja. Osim karatea bavi se i planinarenjem te uživa u prirodi i sportskim aktivnostima.



•• Fondacija Hastor mi predstavlja veliku motivaciju kako na akademskom tako i na sportskom polju. Podrška Fondacije mi omogućava da dodatno proširujem svoja znanja i ambicije. Rad za društvo i doprinos zajednici kroz volontiranje daje mi osjećaj zadovoljstva i pomaže pri razvijanju različitih vještina i upoznavanju ljudi iz različitih sfera zanimanja.

PREDSTAVLJANJE NOVIH STIPENDISTA



Petra Bračić

Petra Bračić dolazi iz Gruda i trenutno je druga godina Medicinskog fakulteta Sveučilišta u Mostaru. Pored fakulteta ima i mnoštvo drugih hobija. Aktivnosti koje je najviše opuštaju su kuhanje, trening i čitanje, a uz to se bavi i fitnesom. Kombinacija koju dobije spajanjem ljubavi prema kuhanju i redovnog treninga za nju predstavlja formulu za zdrav život.



Fondacija je odlična prilika za lični napredak kako profesionalno tako i privatno. Izuzetno me inspiralo pomaganje drugima i smatram da kao dio ove velike zajednice mogu rasti kao čovjek. To za mene predstavlja svrhu djelovanja Fondacije Hastor.

Aida Mujčina

Aida Mujčin je stipendistica koja se odlučila studirati na dva fakulteta uporedo. Studentica je druge godine Odsjeka za grafički dizajn i multimediju na Internacionalnom Burch Univerzitetu, a pored toga je i studentica treće godine medicine na Univerzitetu Sarajevo School of Science and Technology. Na poziciji je predsjednica asocijacije studenata medicinskih grupacija Univerziteta Sarajevo School of Science and Technology i organizacionog odbora prve naučno-istraživačke konferencije "SSST MED ReCon". Bavi se fotografijom i radi kao fotoreporter za „Mahala“ magazin.



Prilike koje Fondacija Hastor nudi mlađim ljudima su nesvakidašnje i zasigurno mali koraci prema velikoj i boljoj budućnosti svih nas. Razlog za to jeste što nam Fondacija, pored finansijske podrške, pruža i priliku da pozitivno djelujemo na svoju zajednicu. Sama ideja Fondacije kojom se ambiciozni mlađi ljudi podstiču da naprave promjenu bila je jedan od glavnih razloga zašto sam sada ovdje.

PREDSTAVLJANJE NOVIH STIPENDISTA



Nikolina Stanar

Nikolina Stanar je iz Oštare Luke, a studira na Ekonomskom fakultetu Univerziteta u Banjoj Luci na Odsjeku za ekonomiju i poslovno upravljanje. Pohađala je srednju Elektrotehničku školu u Prijedoru.

“ Rad Fondacije mnogima od nas pomaže i daje veliku i značajnu motivaciju. Fondacija prepoznaće trud i rad i usmjerava nas da budemo još bolji i uspješniji ljudi, daje nam priliku da upoznamo mnoštvo različitih ljudi s kojima kasnije ostajemo u kontaktu i postajemo prijatelji. Ona nam pomaže da razvijamo vještine koje će nam kasnije u životu mnogo značiti, pogotovo na poslovnom planu. Također, razumije da neki od nas trebaju finansijsku potporu da ostvare željene ciljeve te nam pomaže i na tom planu.

Eldar Klapić

Eldar Klapić dolazi iz Živinica, a trenutno je student druge godine studijskog programa pedagogije na Odsjeku za pedagogiju-psihologiju pri Filozofskom fakultetu Univerziteta u Tuzli. Član je rukovodstva Studentskog vijeća Filozofskog fakulteta u svojstvu predsjednika skupštine. Slobodno vrijeme provodi proučavajući automehaniku, ali i u prirodi i njenim ljepotama vozeći bicikl ili izvodeći psa.



“ Za Fondaciju sam saznao preko kolega koji su isticali iskustvo koje su oni kao članovi dobili u njoj. To me privuklo jer sam vidio priliku da se uključim u jedan veliki organizirani kolektiv od kojeg ću imati podršku, ali i uz koji ću znanja stekena na fakultetu primjenjivati u radu s učenicima i u lokalnoj zajednici. S obzirom na to da mogu paralelno praktično primjenjivati znanja koja stičem, smatram da mi to što sam član Fondacije daje puno više i uvodi me u ono što će mi biti svakodnevica nakon studija. Svi mi kao članovi Fondacije pomažemo jedni drugima i na taj način dodatno unapređujemo znanja i iskustva koja stičemo formalnim obrazovanjem.

PREDSTAVLJANJE NOVIH STIPENDISTA



Šejla Halilbegović

Šejla Halilbegović je studentica druge godine na Ekonomskom fakultetu u Sarajevu. Studira na Odsjeku za menadžment na engleskom jeziku, a u nastavku studija planira se opredijeliti za finansijski menadžment. Živi u Sarajevu i izuzetno je aktivna u neformalnom obrazovanju za koje smatra da je jedno od ključnih elemenata u našem ličnom razvoju, a u slobodno vrijeme uživa u čitanju.

“ Ono što ovu stipendiju izdvaja od mnogih drugih i zbog čega sam se odlučila prijaviti jeste to što Fondacija Hastor podstiče mlade na napredak te ih priprema za stvarne izazove poslovne sredine i tržišta rada. Smatram da je iskustvo koje se stiče tokom volonterskih aktivnosti od krucijalne važnosti za našu budućnost.

Daria Ćosić

Daria Ćosić dolazi iz Tuzle i studentica je treće godine na Filozofskom fakultetu Univerziteta u Tuzli, Odsjek za žurnalistiku. Voli da provodi vrijeme sa svojom porodicom i prijateljima i u prirodi sa svojim psom. Jedna od želja joj je da mnogo putuje i upoznaje nove kulture i običaje.



“ Za Fondaciju Hastor sam saznala od kolegice na fakultetu, koja je također stipendistica, i tako sam odlučila da se prijavim. Saznala sam sve o aktivnostima i volontiranjima i to je na mene ostavilo značajan dojam jer volontiranjem u lokalnoj zajednici pomažem ljudima oko sebe i imam priliku napraviti dobro djelo. Na taj način izgrađujemo sebe kao ličnosti i nadogradujemo svoja znanja i sposobnosti. Zadovoljstvo mi je što sam dio ove velike porodice koja nesebično podstiče mlade ljude da budu bolja verzija sebe.

PREDSTAVLJANJE NOVIH STIPENDISTA



Aiša Avdić


Aiša Avdić je rođena u Tešnju, a odrasla u Sarajevu. Studira arhitekturu na Internacionalnom Univerzitetu u Sarajevu i trenutno pohađa drugu godinu studija. Također, uporedo pohađa i međunarodne odnose u sklopu Minor programa. Pored fakultetskih obaveza, pronađazi vrijeme da sliku, fotografiše i čita romane. Kaže da nam umjetnost i književnost pomažu u razvijanju kritičkog mišljenja koje je neophodno za formiranje naše ličnosti.



Moram priznati da mi je izuzetno značajno to što sam imala priliku postati jedna od stipendistica Fondacije Hastor. Vjerujem da je jedna od ključnih stvari za izgradnju zdravog društva volontiranje mladih u lokalnim zajednicama, a Fondacija Hastor promoviše baš tu ideju.

Azar Alija Mulašanović

Azar Alija Mulašanović je student druge godine Edukacijskog fakulteta Univerziteta u Travniku, Odsjek za psihologiju i pedagogiju. Balans između fakulteta, obaveza i učenja pronašao je u prirodi i druženju s dragim osobama. Uživa u fotografisanju prirode i ljudi te je oba segmenta pretvorio u hobi.



Fondacija Hastor me je mnogo naučila o profesionalizmu, radu i kolegijalnosti. Za mene ovakva fondacija predstavlja veliki faktor motivacije i podrške u životu. S obzirom na to da se osjećam kao dio velike porodice, stipendija koju dobijam od Fondacije Hastor ima posebno mjesto u mom životu. Kao što stipendiju smatram bitnom, isto moram reći i za volontiranje koje mi je Fondacija Hastor omogućila. Nema ljepšeg osjećaja od toga da volontiranjem doprinosite svojoj zajednici u kojoj na razne načine imamo priliku mnogo toga poboljšati te stvoriti jednu pozitivnu sliku o sebi i gradu iz kojeg dolazimo.

PREDSTAVLJANJE NOVIH STIPENDISTA



Ilma Ogrešević

Ilma Ogrešević dolazi iz Bihaća i trenutno je studentica druge godine na Odsjeku za računarske nauke i inženjering na Internationalnom Univerzitetu. Aktivna je volonterka u Fondaciji „Izvor nade“, gdje je završila trening za vršnjačko mentorstvo, a trenutno obnaša funkciju vršnjačkog mentora u istoj. Ilma je volonterka i u Fondaciji „Hifz Časnog Kur'ana“, gdje rado doprinosi raznim aktivnostima.

•• *Fondacija Hastor mi je poznata još od malih nogu, otkako je moja sestra bila stipendistica iste. Još tada sam bila oduševljena radom i misijom Fondacije i maštala sam da jednog dana i ja postanem dio ove lijepе priče, priče u kojoj guramo jedni druge ka uspjehu i gdje se meni kao individui nudi prilika za konstantni razvoj kroz volontiranja i edukacije. U Fondaciji i ja ustvari živim svoju svrhu – pomažem ljudima i činim svijet boljim mjestom za život.*

Edvin Rahman

Edvin Rahman dolazi iz Goražda i student je treće godine na Mašinskom fakultetu Univerziteta u Sarajevu, Odsjek za mašinske konstrukcije. Kao neke od hobija u kojima uživa izdvaja rukomet, planinarenje te biciklizam.



•• *Od svoje petnaeste godine bavim se volontерizmom i aktivizmom u više nevladinih organizacija. Neke od njih su podrazumijevale rad s mladima, gdje sam imao priliku biti facilitator. Stičući iskušto kroz facilitatorski rad, shvatio sam koliko me ispunjava rad s mladima. Sama Fondacija Hastor sadrži takav oblik volontiranja te podstiče liderstvo i napredak mladih u svim segmentima što me je dodatno motiviralo da se prijavim na konkurs. Za mene je Fondacija jedno idealno osvježenje i nazvao bih je svojom novom životnom epohom.*

PREDSTAVLJANJE NOVIH STIPENDISTA



Sumeja Kadribegović

Sumeja Kadribegović dolazi iz Sarajeva i studentica je druge godine Internacionalnog Univerziteta, Odsjek za psihologiju. Bavi se freelance fotografisanjem od srednje škole i to je ispunjava kako lično tako i profesionalno. Njena ljubav je dokumentarna fotografija koju i sama kreira, a voli i prirodu, planinarenje i putovanja. Na spomenutom Fakultetu volontira u Psihološkom savjetovalištu i u Uredu za komunikacije.

“*Veliko mi je zadovoljstvo kazati da sam sretna jer sam postala član porodice Hastor koja okuplja najbolje mlade ljudе, pune entuzijazma, znanja i volje za radom i napretkom. Prilika da budemo mentori onim mlađim od nas te da svoja znanja i iskustva dijelimo s njima jedna je nevjerovatna odskočna daska koja će znatno doprinijeti razvoju naših ličnosti i obogatiti naše iskustvo. Volontiranje u Fondaciji pruža upravo to, susret s raznim ljudima i prilikama, otvaranje vrata za nove mogućnosti i kreiranje novih prijateljstava. Radujem se svemu što tek dolazi na putu kojim ću hoditi kao stipendistica Fondacije Hastor.*

Tajra Osmanagić

Tajra Osmanagić dolazi iz Sarajeva i studentica je druge godine finansijskog i marketing menadžmenta na Ekonomskom fakultetu u Sarajevu. Koristi svaku priliku za svoj lični razvoj i napredak te je uključena u mnoge aktivnosti i organizacije. Trenutno je član dvije studentske organizacije – AIESEC i ESN. U AIESEC-u je dio tima za razvoj partnerstava, dok u ESN-u obnaša funkciju potpredsjednice organizacije. Dugogodišnja je volonterka i Udruženja „Ruku na srce“.



“*Smatram da mi stipendija Fondacije Hastor može pomoći da razvijem vještine i steknem nova iskustva kroz volontiranje u lokalnoj zajednici i kroz program mentorstva. Volontiranjem se mogu napraviti velike promjene u društvu koje koriste mnogima. Nevjerovatan je osjećaj biti dio ove priče koja mijenja živote.*

STIPENDISTICA MJESECA

Fondacija Hastor može se pohvaliti marljivim, ambicioznim i uspješnim stipendistima koji ostvaruju zapažene rezultate na polju obrazovanja i nauke. Dakle, tim Fondacije čine mlađi ljudi koji doprinose njenom radu, unapređujući ga svojim znanjem i vještinama. Upravo takve vrijednosti i predanost volonterskom angažmanu u okviru Fondacije Hastor iz mjeseca u mjesec stipendistima donose titulu Stipendiste mjeseca. U nastavku čitajte o stipendistici koja je tu titulu odnijela ovaj mjesec!



Selma Omerović

Naša draga stipendistica Selma Omerović rođena je i odrasla u Sarajevu i ima 22 godine. Po završetku osnovne škole, upisala je Poslovno-komercijalnu i trgovачku školu. Kako se već u srednjoškolskom periodu susrela s ekonomijom kao važnom naučnom disciplinom, odlučila je istim putem nastaviti i u svom daljem školovanju. Trenutno je studentica treće godine Ekonomskog fakulteta Univerziteta u Sarajevu na Odsjeku za menadžment koji joj je dao mogućnost da se dalje razvija i nadograđuje u oblasti ekonomije. Njen kontinuirani trud i zalaganje kroz različite aktivnosti omogućili su joj da preko deset godina bude stipendistica Fondacije Hastor, ali i to da je ovog mjeseca predstavimo kao stipendistu mjeseca.

Fondaciji Hastor Selma je pristupila kao učenica osnovne škole i već tada se susrela sa svojim mentorima koji su joj bili istražna i važna podrška u daljem obrazovanju. S vremenom je i sama postala mentor drugoj djeci te je shvatila važnost međusobnog potpomaganja i filantropije. Filantropija, kao osnovno obilježje Fondacije Hastor, postala je ideal i putokaz našoj Selmi u njenom daljem radu i razvijanju. Posljednjih godinu dana Selma je članica tima za protokol Fondacije Hastor u kojem marljivo i predano izvršava svoje obaveze. Koliko je vrijedna i posvećena svom radu govori i činjenica da Selma nerijetko volontira i duže nego što je predviđeno njenim volonterskim satima kako bi sva pošta koja stigne na našu adresu bila uredno i na vrijeme zavedena u protokol. Fondacija joj je dala prostor i mogućnost da svoje znanje i vještine s fakulteta unaprijedi praktičnim radom, što Selmi itekako znači i koristi.

Svoje slobodno vrijeme naša Selma je usmjerila u korisne aktivnosti s ciljem aktivne i kvalitetne nadogradnje svog znanja. Završila je kurseve engleskog jezika koji sada tečno govori i razumijeva, a uživa i u druženju s prijateljima, voli čitati knjige i širiti svoje vidike putovanjima na različita odredišta. Istaže da je takav način korištenja slobodnog vremena čini bogatijom osobom te da jako voli upoznati drugu kulturu, tradiciju, običaje i jezike.

Kada je u pitanju uloga Fondacije Hastor u njenom obrazovanju i nadogradnji, Selma je istakla da za nju

● ● *Fondacija Hastor je uvijek bila moja bezuvjetna podrška, motivacija i vjetar u ledu. Zahvaljujući njoj nikad nisam bila bez džeparca i tu sam upoznala mnoge divne ljude koje sada smatram porodicom. Kroz volontiranje sam upoznala i svoju najbolju drugarinu. Pored novčane pomoći Fondacija nam nudi i dalje usavršavanje i napredovanje, stoga ću joj zauvijek biti zahvalna na podršci koju nam pruža.*

Nadamo se da će Selma nastaviti koračati putem uspjeha i da će i u budućim poduhvatima činiti Fondaciju Hastor ponosnom. Želimo joj puno sreće u daljem radu i obrazovanju!


RAM - RUBRIKA AKTIVNIH MLADIH

RAM je, prema definiciji, radna memorija računara. U Bosni i Hercegovini „radna memorija“ su upravo proaktivni i marljivi mlađi ljudi koji su svojim djelovanjem primjer društva koje naša država treba. Kroz ovu rubriku predstaviti ćemo aktivne i mlade stipendiste Fondacije Hastor koji pored volontiranja rade fenomenalne stvari i tako predstavljaju Fondaciju u najboljem svjetlu!

Derviš Klokić

Derviš Klokić je student četvrte godine Pravnog fakulteta Univerziteta u Banjoj Luci. Dolazi iz Lišnje, mjesta u općini Prnjavor. Osnovnu školu i gimnaziju Derviš završava u Prnjavoru i kroz cijelo svoje školovanje održava odličan uspjeh. Istiće kako je u periodu srednjoškolskog obrazovanja radio na tome da bude koristan član svoje zajednice, a inspiraciju za djelovanje u tom smjeru i želju za pomaganjem drugima u njemu je probudila upravo Fondacija Hastor.

•• *Kažu da je čovjek društveno biće i ja sam se trudio da budem koristan i da što više doprinosa dam svojoj zajednici. Od mojih aktivnosti izdvajao bih, pored rada s volonterskom grupom, aktivnosti na uređenju i čišćenju životne sredine te svoje aktivnosti u okviru vjerske zajednice.*



Derviš nas podsjeća da naš čovjek ima jedan veoma loš običaj, a to je da smeće odlaže na mesta koja nisu predviđena za to. Zbog takvog ponašanja u njegovom mjestu počele su se stvarati divlje deponije. Kada je to primijetio, potrudio se da kroz akcije ili samostalan rad ukloni smeće iz svoje lokalne zajednice te da svojim primjerom i sugrađane motiviše da urade isto.

Pored ove aktivnosti, za vrijeme prvih udara virusa COVID-19, Derviš se stavio na raspolažanje svojoj zajednici. Naime, početkom pandemije formirana je neformalna grupa mlađih ljudi koji su se stavili na raspolažanje sugrađanima da im dostavljaju potrebne stvari, naročito starijim osobama za koje je svaki izlazak i kontakt s drugim osobama predstavljao naročitu opasnost. Na taj način su pokušali, donekle i uspjeli, da zaštite sugrađane. U isto vrijeme učestvovao je i u akciji raspodjele osnovnih životnih namirnica starijim osobama i osobama u potrebi.

RAM - RUBRIKA AKTIVNIH MLADIH

Pored tih aktivnosti, aktivan je član vjerske zajednice u svom mjestu već dugi niz godina. Na tu činjenicu je veoma ponosan jer smatra da vjera pruža oslonac čovjeku u dobrim i lošim vremenima i mi trebamo, bez obzira na to koje smo konfesije, dati doprinos i na tom planu. Tokom mjeseca rama zana pomagao je i u organizaciji iftara.

● ● *Pored gore navedenih stvari, mene naročito ispunjava rad s mojom volonterskom grupom. Iako nikad ranije nisam pokazivao talent za rad s mladima, upisom na fakultet dodijeljena mi je volonterska grupa od 15-ak učenika. U toj grupi nalazili su se učenici osnovne škole. Raditi s jednom takvom grupom predstavljalo je jedan veliki izazov jer je raspon godina uslovjavao različito znanje i shvaćanje pojedinih tema. Kroz narednih nekoliko godina usavršavao sam svoje vještine i trenutno sam na jednom nivou koji je za mene lično prilično visok jer nikad nisam očekivao da ću do njega doći. Posebno me raduje to što članovi moje volonterske grupe uživaju i rado učestvuju u radu i što volontiranje ne shvaćaju samo kao obavezu nego i kao dodatno usavršavanje. Također, raduje me i činjenica da su roditelji zadovoljni mojim i radom mojih kolega i da smo s njima ostvarili jednu saradnju na zavidnom nivou.*

Naš stipendista smatra da je aktivnost mladih osoba od krucijalnog značaja za zajednicu. Ponekad ga ljuti činjenica da su njegovi vršnjaci pasivni, ali je sretan što se on trudi unaprijediti okolinu u kojoj živi.

Smatra da svi mi, stipendisti Fondacije Hastor, uživamo privilegije koje se ne ogledaju samo u novčanoj pomoći već i u podršci koju dobijamo. Derviš je 10 godina stipendista i Fondaciju Hastor ne vidi samo kao organizaciju već kao porodicu, sigurne ruke kojima se uvijek možemo vratiti. Posebno cijeni to što kao stipendista izgrađuje kvalitetnu ličnost inspirisanu svime što Fondacija Hastor čini za svoje stipendiste. Njen uspjeh ponajviše vidi u tome što njeni stipendisti postaju korisni članovi zajednice i dobri ljudi, a kaže da je to bitnije od akademskog uspjeha koji nesumnjivo ima svoju posebnu vrijednost.

Studenti koji se trude da pored sebe unaprijede i sredinu u kojoj žive od velikog su značaja za našu domovinu. Nadamo se da će se broj ovakvih mladih osoba konstantno povećavati kako bismo bili sigurni da će našu budućnost preuzeti neke sigurnije ruke.



ALUMNI MJESECA



Nakon što završi svoje školovanje i prestane biti član Fondacije Hastor, svaki stipendista se i dalje smatra značajnim dijelom njenog kolektiva. Njihovi uspjesi se pomno prate i s ponosom dijele jer je i Fondacija malakar jednim dijelom doprinijela njihovom ostvarivanju. U nastavku donosimo priču bivšeg stipendiste Mirze Murge koji je po profesiji stomatolog.

Mirza Murga



Mirza Murga porijeklom je iz Livna i završio je Osnovnu školu „Fra Lovro Karaula“, a potom Gimnaziju Livno u svom rodnom gradu. Nakon srednje škole upisuje i završava Stomatološki fakultet sa klinikama Univerziteta u Sarajevu. Po završetku studija bio je u dilemi da li da kao i veliki broj mladih ljudi napusti zemlju i prihvati neku od ponuda u inostranstvu ili napravi iskorak i pokuša ostvariti karijeru u svom rodom gradu. Mirza se odlučuje za ovo drugo te se vraća u Livno i tu počinje priča o razvoju njegove karijere.

Bio je stipendista Fondacije Hastor punih deset godina, tokom čitavog srednjoškolskog i akademskog obrazovanja.



Kao stipendista Fondacije Hastor najveću sam podršku osjetio tokom studija. Osjetio sam da imam oslonac i podršku u novom gradu u koji sam došao da studiram. Kroz Fondaciju sam naučio dosta o disciplini pri radu i razumijevanju drugih. Upoznao sam mnoštvo interesantnih osoba i još više životnih priča mladih pojedinaca te stekao prijateljstva koja namjeravam još dugo njegovati.

Kao stipendista volontirao je u svom rodnom Livnu, a potom i u Sarajevu. Bio je član administrativnog tima i učestvovao je u različitim aktivnostima Fondacije.



Imao sam više mentorskih grupa i znalo je biti poprilično zabavno, pogotovo u kombinaciji s drugim mentorima. Mlade je potrebno educirati i aktivirati, a volonterske aktivnosti su dobar način postizanja oba cilja.

Kroz svoj rad konstantno potencira benefite koje dobijaju stipendisti Fondacije, a naročito sticanje novih prijateljstava te razvijanje radnih navika koje itekako koriste u daljem radu nakon završetka školovanja. Fondacija je u njegovom životu zauvijek zauzela posebno mjesto, a našim stipendistima poručuje: **Fondacija Hastor je zaista izvanredna organizacija koja pomaže mladim ljudima. Odličan je osjećaj biti dio iste zato iskoristite maksimalno vrijeme koje provedete kao njeni stipendisti**

ZANIMLJIVOSTI

Gobekli tepe (Göbekli tepe) – arheološko svetište u Turskoj

Do sada nam je bilo poznato da se najstarija iskopavanja vežu za rijeke Eufrat i Tigris, odnosno za Mezopotamiju. Ova činjenica bila je validna do 1994. godine, kada je njemački arheolog napravio značajnu prekretnicu na polju historijskih istraživanja. On je otkrio svetište u Turskoj koje je starije od Stonehengea i svih prvobitnih gradova u Mezopotamiji.

Važno je istaknuti to da je svaka civilizacija gradila sebi svojstvene građevine, a u najstarijim vremenima one su uglavnom bile vezane za religiju poput npr. Partenona, antičkog hrama posvećenog božici Ateni. Kao primjer mogu se navesti i zigurati, drevni hramovi koje su gradili uglavnom Sumeri na području nekadašnje Mezopotamije 2000. godine pr. n. e. U Evropi, tačnije u jugozapadnoj Engleskoj, imamo primjer Stonehengea, spomenika za koji se smatra da je služio za vjerske obrede, a napravljen je 3000 godina pr. n. e. Gobekli tepe (ili trbušasto brdo) smješten je na jugu Turske, blizu sirijske granice. Arheološki je lokalitet mezolitičkog svetišta i najstariji primjer monumentalne arhitekture. Ovo arheološko nalazište sastoji se od spomenika u obliku slova T visokih šest metara.

Gobekli tepe se, zapravo, može smatrati i svojevrsnim čudom s obzirom na činjenicu da nastaje u vrijeme kada civilizacija nije bila dosegla stepen razvijenosti kakav nam je danas poznat. U to vrijeme lovci su bili najaktivniji „istraživači“ i sakupljači pa, shodno tome, postoje prepostavke da su upravo oni načinili Gobekli tepe. Zbog prirode lokaliteta upotrebljava se i naziv trbušasto brdo.

Tim istraživača iz Engleske pronašao je kosti divljih životinja – gazele, crvene jelene, svinje, koze, ovce i volove, različite vrste ptica – raštrkane oko ove lokacije. Većina ovih životinja prikazana je na tim pločama u obliku slova T. Ova grupa naučnika smatra da je spomenike izgradila neka naprednija civilizacija i da nije moguće da su to učinili lovci kako je smatran. Te ploče, kako tvrde engleski naučnici, bile su hodočašće i posjećivali su ih vjernici iz drugih krajeva.

Ovo nalazište izazvalo je mnoge debate. Da bi se mogli donijeti zaključci, potrebno je još utvrđivanja i istraživanja, a ne sumnjamo da će novijim tehnikama i napretkom tehnologije to biti i realizovano. U svakom slučaju, ovo otkriće predstavlja novi početak u arheologiji, veliki izazov i pravu turističku atrakciju.



OBJEKTIV



Alema Duvnjak



Amina Bukvarević



Anđela Starčević



Semina Bulić



Smail Hopovac



Uzeir Tihak

POETSKI KUTAK

Vječni selam

Još se čudim što neke priče
Imaju riječi a ništa ne kažu
Kako li pričaju, a smisao izmiče
Zašto se riječi rađaju a ne pričaju

Kao drveće bez lišća, gole grane
Valjda i u prići jesen ponekad svane
Šuplje, kroz njih se sve vidi
Drveće da, a priča se ne stidi

Šta čovjek traži u golom drvetu
Osim da grane lomi i siječe
A u prići nema šta tražiti
Jer se ogoljena forma nameće

I sad bih da odjenem drvo jedno
Svojim trošnim kaputom
Da bar ima neko malo odijelo
Da bar osjeti smisao u tom

Ali čime da ogrnem riječi
Takvog odijela još nemam
Jedino još da duši predam
Ono što joj odavno spremam
A spremam joj vječni selam

Fatima Gazić



FONDACIJA
H A S T O R



Kontaktirajte nas!
Bulevar Meše Selimovića 16,
Sarajevo
033 774 789
033 774 823
fondacija@hastor.ba



Redakcija
Džana Vrabac
Emra Kulo
Fatima Gazić
Aleksandra Đukić
Alek Isaković
Almina Šabanović
Nedžma Latić
Amina Abaspahić



Grafički dizajn
Ada Sivac
Belma Kapić



Naslovница
Nadira Hrncić,
Ulje na platnu,
"Priroda"